




藍字錢 據諸城劉氏所藏三種拓入



武宗 曹昌中有敕鑄錢之所各以本郡縣名爲背文 是京兆府以京字所穿上藍出縣以藍字在穿

右泉 培按藍字錢面文字寬狹二種藍字之井中不連下从𠂔有字口斜口肩仰向下者面字狹者

藍字有特大者輪闊字細有元字右挑者有背穿上仰月者有穿上偃月者有穿下偃月側向左者有

穿下偃月側向右者面文元字左挑緊狹迂存云背有左月者面字寬者通字下或一星有右字作蓋

左一直文者右字小似藍字之長或云是益字培謂此仍是藍字耳

翁樹培古泉彙考

按錢文通寶自唐高祖始舊唐書高祖記武德四年秋七月丁卯廢五銖錢行開元通寶錢是也有

唐一代各帝所鑄皆名開元通寶

高宗有乾封泉寶肅宗有乾元重寶代宗有大曆元寶德宗有建中通寶建中元寶諸錢而皆不廢開元通寶錢

或因開元為元宗年

號遂以此錢專屬諸元宗者非也武宗時許諸道觀察使皆得置錢坊淮南節度使李紳請天下以

州縣名鑄錢此錢背列地名之始見新唐書食貨志

京兆府藍田縣重修孔子廟記

嘉祐八年春殿中丞濟南袁君庭芝之治藍田也既再書考條張綱吏信禪藥鋤弊兇不置根蘖罷

弱蘇息獄衰君乃喟然曰吾職事苟不經譴何政尙有然不有教化在我其敢遂自惰二月丁丑

君率官屬釋奠于先聖先師既終事顧廟屋將制迫陋不足以行禮像器服冠不應法度復喟

然曰是非教化之所出歟捨而不治人其謂我其不可無意寔傳邑中諸生聞而自陳願奉所有

以供費君喜曰事誠善然法不即具上其狀於府以聽既報可遂裏百用戒役窮徒備出力匠師奏

巧材良工繼壞斷構鏤月告就盡徹其故殫致宏新為堂耽耽為室翼翼闔扉軒虛序舍擁

抱居陳陞端直峻削丹堊藻繪巖岬明潔聖師當中弟子列侍儼儼抑抑若問石對旒冕有數衣裳有

豆籩饗尊爵俎一按品式薦獻奠酌登降有位講授肄習居息有次日庖以饌日庫以口諸生于
子可以群處養艾驚視昔所未有相親咨嗟意貌惕慄咸曰乃今日獲聞典禮之美口後知孔子之尊維
吾邑口祀之雖久而懈弛戲廣不廢僅存几前令莫以爲急逮袁君而後興口可不謂知所務哉君既歷
吉日用幣于廟因以書走商洛屬其游章惇曰廟成將以其事刻於石求能文者爲之記敢以累左右幸
毋讓惇讓不能者再而終不得乃徐思曰袁君能不口吾聖師而有意於教化之漸其諸生又能迎承其
縣大夫之志而助成之方且相進以學而口鄉人而移於善蓋亦可嘉吾其無事乎讓故爲之

會稽關景口口隴西李寂篆額

十月戊辰朔十五日壬午立石

藍田縣重修廟諱聖文宣王廟記

沃州僧嗣端書

居至尊之位立至聖之教者皆可以行帝王之道居位則澤及壹時身既歿而位且絕立教則化行萬古
身雖歿而道愈尊自姬周歷有唐聖宋稱古之居至尊行帝王之道者以唐虞夏商爲稱首尊其號則曰
堯舜禹湯故後世之臣下有以文言達君上必曰登堯邁舜而夫子立至聖之教行帝王之道千載之下

際有唐聖宋王者幸闕里陳釋奠忘萬乘之尊行北面之禮在唐崇號曰文宣於今增封曰廟諱聖如是
 則夫子之道可易量哉古再頒明詔而自國至於郡自郡至於邑與七十二子重煥晬容歷億萬斯年長
 享廟食士君子由先師之教郡邑之長者得不盡心乎鹽田縣舊隸正畿古稱名邑俗飭詩書鄉富禮
 義何廟貌頽弛多歷年所棟桷摧風雨服冕委塵泥口如在而仰歎何陋之茲其人忘本根官孰完葺
 宮春煥侯穆之出勝口登進士第初官師古所至稱治去年自蘭臺佐著纒宰是邑既視事之明日覩
 先師堂室卑陋歎然變首出俸資始議必葺即有齊即白文政趙洙泊舉公子弟共一十九人昌
 言曰願贊成其專家輸錢若市祀梓之材逾月而山委購般王之匠匪朝而宇窮宏壯
 之妙繪素畢輪煥之功塑十哲侍坐於正之間暨眾賢環立於兩序之下山龍華蟲灑服具舉籩豆簠
 簋祭器陳列不勞而成如嚮斯答君子曰非孫侯至德移風俗至誠通神明何速成之若是也儲事孫侯
 為同年長解印之暇枉道來觀命文紀實不敢勞護昔大中祥符四年皇帝紀汾陰之月葺進士董儲

記

將仕郎葺守縣尉兼主簿張九錫 將仕郎守縣尉兼主簿張懷吉 將仕郎守秘書省著作佐郎知

縣事孫穆之 進士姚慶立

按宋史禮志吉禮八真宗大中祥符元年追諡玄聖文宣王既以國諱改諡至聖文宣王今此碑題廟諱聖蓋以玄字係廟諱故也然改諡不詳年月此碑所題則未改諡以前語可知改諡在四年後也足補史志之闕

孫穆之者宰是邑修孔廟而進士董儲記僧嗣端書董文階弱殊無足採嗣端分隸則深得唐人法者后署大中祥符四年皇帝祀汾陰之月攷史爲二月是時契丹歲幣三十萬而水發徐兗旱連江淮無爲烈風金陵大火帝方且侈天書之妖尋漢武唐元之蹟無怪其后世之不振也

石墨
鐫華

按碑云富春孫侯穆之登進士第初官師古

此語未詳或謂其居官師法古人也

所至稱治去年自蘭臺佐著作權宰是邑

親先師堂室卑陋首出俸資始議必葺云云檢陝西通志既不載修廟之事於學校復不載其政績於名宦又檢杭州府志選舉文苑循吏皆無其人可見此碑從不傳於世宜据此以補兩志之缺也書者沃州僧嗣端石墨鐫華稱其分隸深得唐法然椽桷之椳从襲作樓則誤矣命文紀實不敢勞讓即勞謙之意猶因讓也然唐碑有作牢讓者金石萃編

謹按勞牢聲近古多通用牢有固義是固辭也

蘇東坡硯 此硯形圓長而尾微殺池前低後高如馬蹄踐狀中有七金星底刻文房寶硯子瞻記七字原邑南墓墓中所得之物光緒三十年靳君得之於土人

謹按此物別無他左驗止以子瞻二字定爲東坡故物未能信其必然姑存之以俟知者

宋大觀御製學校八行八刑條

學以善風俗明人倫而人材所自出也今有教養之法而未有善俗明倫之制殆未足以兼明天下孔子曰其爲人也孝弟而好犯上者鮮矣不好犯上而好作亂者未之有也蓋設學校置師儒所以敦孝悌孝悌興則人倫明人倫明則風俗厚人材成則刑罰措朕考成周之隆教萬民而賓興以六德六行否則或以不孝不悌之刑此已立法任孝悌惇睦任恤忠和之士去古綿邈士非里選習尙科舉不孝不悌有時而容故任官臨政趨利犯義詆訕貪污無不爲者此官非其人十不素養故也近因餘暇稽周官之專刑爲法度頒之學校明倫善俗庶幾於古

諸士有善父母爲孝善兄長爲悌善內親爲睦善外親爲姻信於朋友爲任仁於州里爲恤知君臣之義爲忠達義利之分爲和

諸士有孝悌睦姻任恤忠和八行見於事狀著於鄉里耆鄰保伍以行實申縣縣令佐審察延入縣學考驗不虛保明由州如令

諸八行孝悌忠和爲上睦姻爲中任恤爲下士有全備八行保明如令以時隨奏貢入太學免試爲太學上舍司成以下引問考驗較定不誣申尙書省取

冒釋褐命官優加拔用

諸士有全備上四行或不全一行而兼中等二行爲州學上舍上等之選不全上二行而兼中等一行或不全上三行而兼中二行者爲上舍中等之選不全上三行而兼中一行政兼下一行者爲上舍下等之選全有中二行或有中等一行而兼下一行者爲內舍之選餘爲外舍之選

諸士以八行中三舍之選者上舍貢入內舍在州學半年不犯第二等罰升爲內舍仍准上法

諸士以八行中上舍之選而被貢入太學者上等在學半年不犯第三等罰可成已下考驗行實聞奏依太學貢士釋褐法取旨推恩中等依太學上等法待殿試年推恩下等依太學中等法

諸士以八行中選在州縣若太學皆免試補爲諸生之首選充職事及諸齋長論

諸以八行考士爲上舍上等其家依官戶法中下等免戶下支移折變借身丁內舍免支移身丁

諸謀反謀叛謀大逆及大不恭詆訕宗廟指斥乘輿爲不忠之刑惡逆詈告言祖父母父母及籍

異財供養有闕居喪作樂自娶釋服墮哀爲不孝之刑不恭其兄小友其弟姊妹叔嫂相犯罪杖爲不悌

之刑殺人各人放火強姦強盜若竊盜杖及不道爲不和之刑謀殺及賣畚總麻以上親毆告大功以上

尊長小功尊屬若內亂爲不睦之刑詛罵告言外祖父母與外姻有服親同母異父親若妻之尊屬相犯

至徒違律爲婚停妻娶妻若無罪出妻爲不嫻之刑毆受業師犯同學及至徒隱相隱而輒告言爲不任之刑詐欺取財罪杖告囑者鄰保伍有所規求避免以告事不干己爲不恤之刑

諸犯八刑縣令佐州知通以其事目書於籍報學應有入學按黜極旨施行

諸士有犯不忠不孝不悌不和終身不齒不得入學不睦十年不嫻八年不任五年不恤三年能改過自新不犯罪而有二行之實耆鄰保伍申縣縣令佐番察聽入學在學一年又不犯第三等罰聽齒於諸生之列奉

勒如右牒到奉行前批三月廿日午時付禮部施行仍關合屬去處
大觀元年十二月廿日奉 御
筆建

學諭臣 支夢嗣

學長臣 吳 翰

將仕郎京兆府藍田縣尉管句學事臣 朱翼

通仕郎行京兆府藍田縣主簿權縣丞管句學事臣 劉湍從仕郎知京兆府藍田縣管句學事

兼管

句勸農公事臣范秘將仕郎充提舉永興軍等路學事

司管句文字口臣口黃哲口朝散郎權提舉永興軍等路學事雲騎尉賜緋魚袋臣李降

按此碑見于金石萃編者有興平高陵淳化臨潼之四種而不及藍田其實當時天下學宮皆有之今所見者如山東之觀城諸城泰安新泰城武荷澤湖北之興國州河南之臨潁偃師滎陽盧氏江蘇之句容凡十餘種皆同可知其餘之未經拓者尙多也萃編名大觀器作碑聖作即御製也王氏跋文論宋代八行取士科比結埼亭渠偃師金石錄二跋尤詳

柳莊寨鄉約鐘文即今邑東邵家寨

謹按呂氏鄉約風行天下流傳後世由來久矣於明則有本邑東柳邵若君生於明季距宋數百年矣猶能率鄉人倡行此禮閭里奉爲儀型風俗由之不變亦奇男子也石沒闕子自道有乃父風復將鄉約條規鑄諸鐘文懸於寨東之約亭亭廢鐘今在關帝廟前若曰道者可謂善繼述矣誌之以爲鄉人勸

文曰

風俗之隆污皆由乎人爲之者爲之也得其人則隆不得其人則污矣藍東有柳莊寨距縣十里許居

民百十戶先年東柳莊邵君以齒德舉鄉飲率諸鄉人行吾邑呂氏鄉約寨中空地一畝創修約亭倉
舍鐘鼓樓房君歿約頽鐘以壞矣後君男曰道繼父志重修鄉約率人而訪行不怠邇來欲復舊鐘一
鈕懸之約所每朔望日鐘鳴凡同約者知會期也不獨用之朔望抑且晨昏斯會之人之必聞者必
將曰斯鐘之設凡以爲吾鄉約也一有不如約者將不愧斯鐘耶蓋有不勝內懼者矣且鐘金屬也逆
計其壽雖與斯會之人子孫曾孫俱延可也其子問之者必將曰警爾翁爲善人者斯鐘也其後問之
曰警而祖爲善人者斯鐘也其曾玄問之曰警而高曾祖爲善人者斯鐘也吾何爲而敢垂於鐘之外
耶斯鐘一日無恙斯約一日不廢也其用意顧不遠哉噫斯鄉也而得斯人之爲之者而斯鄉之所以
特隆也故鄉之風俗豈不關人哉明萬歷二十七年十二月造

謹按鄉約之在藍田呂氏後不講久矣明萬曆中秦關先生倡行之謂居鄉不能善俗如先止和叔何
乃約爲十二會赴會者百餘人設科勸糾身先不倦一時風俗之美論者以爲呂氏復出惜所著正俗
鄉約一書未見傳本其講約之所與同約之人亦無所攷據徒令人心儀其盛恨生不與同時而豔羨
夫生同時者之何其幸也壬寅夏及門程選臨告余以所聞曰頃從柳巷寒鐘文中得一人焉曰邵君
自道萬曆中講約者也此地卽其約所而同約之人姓名具焉此鐘卽爲講約設者計其年則去先生

之歿僅十年耳而其先人東柳君者首倡此舉創約亭倉舍鐘鼓各樓以與鄉人會講於此則又在數十年前文雖未明著師友淵源之所自而正與先生同時先生居西關君居東關又若是其近其殆受陶淑於先生而不僅聞風興起者歟第其名不著他善行亦無所攷然向無此鐘則又安知數百年前尙有此人於此地講此事者而天理民彝之不可終沒亦於乎決之文不著作者姓名亦簡勁懇惻可誦有德之言也故錄之而記其本末如此以告吾鄉人

顏魯公祭田碑

碑在縣東普化鎮玉皇廟前中刻大字顏魯公祭地一十九畝明天啓元年知府鄒嘉生貢民田一十九畝在普化寨以爲祭田

謹按公有祭田則祠宇必有所在今不可攷矣公之義烈足以感人如此此以知好德之同心也公之立祠於此不知所由姑存以俟攷

續修藍田縣志卷十五

循良傳

程子謂一命之士苟存心於愛物於人必有所濟况宰制百里身為侯伯而為民父母者乎良令百里悅此一邑福星也謫思遺愛銜之口碑著之為來者勸傳循良凡武職佐貳有功於民者悉著錄焉

晉

張輔字世偉南陽西鄂人漢河間相衡後幼有幹局與從母兄劉喬齊名補藍田令不為豪強所屈時彊弩將軍龐宗西州大姓護軍張浚宗婦族也僮僕放縱為百姓患輔繩之殺其二奴又奪宗田二百餘頃以給貧戶一縣稱之皆書

唐

崔縱博陵安平人授藍田令德化大行縣人立碑頌德仕終太常卿封常山縣謚曰忠唐書

李程字表臣唐宗室為藍田尉縣有滯獄十年未決程片言輒判京兆狀最後入相

陝西志輯要

薛訥絳州龍門人遷藍田令富民倪氏訟息錢於肅政臺中丞來俊臣受賕發義倉粟數十斛實之訥曰

義倉本備水旱安可私一家報上不與

唐書薛仁貴傳

宋

袁瑞字廷芝濟南人嘉祐八年以殿中丞宰藍田植桑課積增修常平義倉藥局館舍府志

王獵字得之長垣人范仲淹薦爲藍田主簿府使之學諸生有犯法者獵自責數以爲教之不至屏出之府帥意其私捕生下獄獵前白曰此特年少不率爾致於理不足以美化恐適以貽士類辱帥悟而喜

曰吾慮初不及此即釋生而待獵加敬

宋史本傳

金

張德直字伯直平陽人貞祐三年進士釋褐新平簿辟藍田令清慎才敏秩滿父老詣行臺留再任及去之日爲立生祠遷池捕詐名補省椽選授巡院使終於同知武勝軍節度使事

元

雷學字從仕至大四年爲藍田尹政清刑簡有重修縣廳記以下志本前志

荆茂字仲昌單懷人至正三年爲藍田尹興利除弊愛民以誠有昆弟爭水利茂諭以產業容易得骨肉不可疏昆弟皆叩謝和讓而去

俺都子成之燕山人至正五年爲藍田達魯花赤簡刑輕徭禮老興學不期月而政成

按元史達魯花赤華言章印也見紀事本末

明

樓璉字仕連金華人洪武中以儒士召知藍田時邑事草創璉蒞任後卽建修廟學旋擢御史建文嗣位入翰林侍讀經筵講官靖難兵入京命方孝孺草詔拒之改命璉璉逡巡固辭歸自縊而死後請錄入卹

典府志

王科字晉卿河南涉縣人正德十一年進士嘉靖元年任勸課農桑振興學校扶弱鋤強風俗不變城隍無水導西山水入城毀淫祠凡城郭官署廟學多方修建規模煥然升工部給事中入祀名宦北關有祠邑民歲時致祭

韓瓚山西絳州人嘉靖四年任勸政愛民清操自勵人不能以利浼凡所行恐不便於民後升漢中府入祀名宦祠

翟清直隸大名人嘉靖十一年由高陵改任慈祥愷悌士民德之

張洗山東鄒縣監生嘉靖十七年由縣丞升仕廉介自持不受私謁其子弟亦能甘淡泊雖一蔬不私取行戶會審編差徭晝夜計算調停甚均即老胥滑吏莫能售其奸解綬之日琴劍而歸其三代下廉吏哉

呂好古山西定州孝廉嘉靖二十七年任守如冰藁問民利病悉與處分聽訟不事刑威得其情則哀矜不已至懲強抑暴不少恕自此奸猾屏迹當道嘉之每委盤查凡外郡邊陲皆所周歷去之日百姓肖像尸祝焉入名宦祠

楊紹先山西高平孝廉崇尙學校寬郵里甲士民愛戴

齊塘山西榆次縣人明察果斷胥吏懾服升工部主事

楊培山西解州孝廉清介有守愛民如子積倉糧賑貧乏士民德之

陳一夔河南光州選貢省節里甲制伏強梁百姓立祀於南關歲時享祀

李景登遼東廣寧進士潔己愛民加意學校時礦稅織造並行民不堪苦奸民預賂宦壻左右營幹票帖提取則以一索十包納則以十准一景登申文罷征民得息肩又創建尊經閣後升漢中府知府

王邦才河南盧氏孝廉萬曆二十七年任精明練達拓關帝廟新呂氏祠創子城改官道砌泮池建前坊植城池以柳政治一新至社學社倉鄉社厲壇義塚諸事一一修復惜審編墮總書之計遂縵坐丁貽藍民善君子有遺議焉後升濟南府同知分守遼東歷官主事

前志云按紀事本末云邦才以萬曆三十五年任藍山知縣發奸剔蠹興稅監梁永相左爲永誣逮

梁一道山西稷山孝廉孝以事親慈以待民百姓感之皆知行孝毀淫祠崇正義躬親課士學校大興富道屢有薦剡尋以病卒立祠南關

沈國華山西潞安孝廉萬曆四十一年任潞政精明聽斷如流公餘即延儒論文於北門外建會文館每月朔二日躬詣會所課士凡饌具皆俸資摹刻川圖刻石行世重修縣志四卷升寧海州知州

雷鳴時四川選貢因流寇出沒無常北城積際易頽用磚包之當時不無遺議而數十年於茲能永逸者猶稱公力焉升商州知州

楊明祖山西偏關孝廉崇禎年間任慈良易直民咸德之

清

王廷用遼海人順治六年由華州代篆時值鄉兵譟變後人心洶洶兼杆賊盤踞山谷伺窺城垣藍民不安稚席廷用多方設備每夜沿城巡視衣不解帶者四十餘日

顧其言字介石江南上海人崇禎庚辰進士順治八年署篆清慎自矢釐剔宿弊錢穀詳明敦崇學校暇則登山涉水修補風土建文峯於天馬山工未竣以艱歸

蘇就大直隸交河歲貢順治十年由教諭陞任脩學宮濬水道復鎮集補津梁易直子諒在任五年致仕